



# Central Road siam hna zo ta

**Chanmari West, 30th Sept :** Central Road-in National Highway a pawhna lai kawng awih lutuk chu kan bialtu MLA ngenna angin Branch YMA chuan a siamthat hna an thawk a, tunah chuan zawh fel a ni ta.

He hna enkawl tur hian Pu RL. Thanhnuna chu Branch YMA Committee chuan tlawmngai turin a ngen a, ani hian tlawmngaih chhuahin he hna hi uluk takin a enkawl a, Department lam pawhin thawk tha lutuk zawk mahin an sawi hial a ni.

Ni 5.7.2012 atang khan hnathawh bul tan a ni a, tichuan Ni 24.9.2012 khan thawh tur anga ruahman chu an thawk zo ta a ni. Hna hautak tak mai a ni a, tha pawh 657 zet sen a ni. He hna thawh nan hian Rs 7,54,390 hman ral

a ni a, Branch YMA sum chuan a daih loh avangin mi tlawmngaite sum hman sak thin a ni. Tin, kan veng chhunga balu leh cement dawr neituten phal takin an bat tir bawka, an chungah branch Committee pawh a lawm hle a ni.

Tunah chuan Branch YMA zarah kawng tha tak kan nei ta. Helai kawng hi PWD chuan ruahtui hul hunah an metal leh dawn a ni. He kan hnathawhna bill hi Department lamah buaipui mek a ni a.

## Branch News

Ni 2.10.2012 (Thawhleh) zan hian Branch executive meeting tum a ni.

Central Road YMA ten kan thawh chu zawh a ni ta.

Ramhlun veng leimin avanga chhiat tawkte tanpuina tur tlawmngaia thawhtute chungah leh a khawntu Sectionte chungah Branch Committee in lawmthu a sawi.

Central YMA Volleyball Tournament neihah Ni 27.9.2012 khan kan Branch team ten Electric Branchte an khel a, vanduaithlak takin a chak lo zawkah kan tan avangin Silpoulin dawn a ni. Players leh a enkawltute inpeknaah Branch Committee-in lawmthu an sawi.

Pi Thankumite chhungkua 'CH' Section a mite chuan an pa Pu C.Lalramdina (L) hriatrengnan Volleyball Jersey tha tak Branch YMA an rawn pe a, an chhungkaw chungah Branch YMA in lawmthu an sawi.

Executive member Dr. Lalramliana leh Pu VL.Thakimate damlo chu an dam leh thuai an duhsak.

Executive Member Pu Lalrinliana chu chhiat tawhna avangin Kawnpuih a zin a, Executive Member Pu Lalthanruma pawh Lungleiah a zin a, dam taka an lo haw leh an beisei.

### SUNNA

Ni 25.9.2012 khan kan Nicky Lalduhsaka thla 7 S/o Lalremtuangi 'N' Section leh Ni 26.9.2012 khan Pu C. Lalrinliana kum 50 W/o Lalrimawii 'N' Section-te chuan min boral san a, an kal san tak an chhungte kan tawrhpu tak zet a ni.

# Leimin tan vehbur khawn

Central YMA in Aizawl khawpui chhunga branch hrang hrangte Ramhlun vengthar leh Ramhlun Sport Complex huamchhunga leimin tuarte tana vehbur khawn turin ngenna a siam a, kan Branch YMA pawhin thahnemngai takin an khawn a, Rs 60,515 hmuh a ni a, petute chungah

lawmthu an sawi a ni..  
Hetiang hi Section hrang hrang hmuh dan a ni :-  
Vanapa Section - 17,580  
Chawngbawla Section - 14,640  
Taitesena Section - 12,100  
Khuangchera Section - 10,435  
Neuva Section - 5,760

## SPECIAL SUMMARY REVISION OF ELECTORAL ROLLS, 2013 CHUNGCHANGA HRIATTIRNA

Election Commission of India thupek angin special Summary Revision of Electoral Rolls, 2013 chu Dt 1-31.10.2012 chhungin neih a ni dawn a. India khua leh tui dik tak, Ni 1.1.2013-a kum 18 tling chin, Roll-a hming thun lut thar duhte chuan heng a hnuai mite hnenah hian dilna form lain a dil theih e.

1) 12/4 Chanmari West I (V Sect leh CH Sect Thlanmual hlui Step hmar lam chin) : Pi C. Vanlalchhuangi leh Pu JH Hmingthanchuanga

2) 12/4 Chanmari West II (CH Sect Thlanmual hlui Step chhimlam chin leh T Sect) : Pu Lalrinliana (Sir Te-a) leh Pu C. Lalmuankima

3) 12/4 Chanmari West III (K Sect leh N Sect) : Pu Lalrinchhana leh Pu Lalbiakzuala

Dilna form-ah hian Pastport size thlalak 2 copies leh Birth Certificate (Xerox Copy) thiltel tur a ni ang.

Sd/- Zothangzuala Chhangte  
Supervisor  
12-Aizawl North III (ST)

### RUANGCHHUAH

Pi Vanlalhruii kum 59 Pu Ramfangzauva 'K' farnu chu Ni 25.9.2012 khan a boral a, a ruang hi Pu Maramate in atangin Chhawrtui khua panpui a ni.

### KEIMAHNI

Kan Circulation manager Mahruaia chu a tupain a boral san a, a thawhpuiten kan tawrhpu hle.

Article emaw thuziak hrim hrim kan dawng thei reng e.



### TUNKAR CHANGVAWN

"Mi fing chuan a kalna a hria a, mi a chuan a hre lova, mahse khawrel thuhmun an zaa chungah a thleng tho tih ka hmu".

Thuhritu 2:14

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

**Editorial :**

Kan Branch YMA chuan mi dangte tana malsawmna kan nih theihna kawng khat chu kan hlen chhuak leh ta. Kan veng kawng pawimawh tak mai chu tha takin a tlang thei ta a, hemi kawng chungchang hian YMA chuan a tihawm reng a ti a ni. A enkawl zui leh hman chu mipui mawh leh chhawr tur a ni, tha takin i vawng ang u.

General Conference kan lo thleng leh dawn ta a, thalai tan chuan kal a chakawm khawp ang. Kan Branch YMA pawhin kal dan tur a rawn ruahman leh ngei ang a, thalai a tam thei ang ber kal tum ila, a tha khawp ang. heng hunah hian kan kal a nih pawhin YMA takin awm thin ila, rui leh che thing lutuka kan awm hian kan Branch kan ti mualpho a, kan hruaitute tan zahna kan thleng thei a ni, chuvang chuan kan kal a nih rau rau chuan kan tihur awm reng ti thin ila a lawmawm khawp ang.

Kan veng hian zia mi kan nei lo nge, kan nei tlem, a ngai deuh ngawt ngawtin an zia a, mi thenkhat tan ninawm kan nih palh a hlauhawm si, anni hian zia lo se thuziak chhuah tur kan nei lo mai dawn si, tan la ila.

**2012 Thuvawn**

*I awmdan tur chu LALPA chungah ngat la; Amah chu ring la, aman a ti vek ang.*

**Article :****YMA General Conference tur hi**

- J. Nanga

Mizoram a tlawmngai pawl lian ber YMA chuan a vawi 67na atan Ni 23-25, Oct, 2012 chhung hian Kawrtethawvengah General Conference hmang turin a inbuatsaih leh ta mup mup mai a, Kawrtethawveng khua pawh nasa takin an inbuatsaih mek a ni. Hetih lai hian General Conference hi thalai intihhlumna leh nuam tawl na mai a ni loin, kan ram leh hnam tan ro an rel dawn a ni tih ka hre tlang awm e. Chung an rorel tur thenkhat chu han tarlang mai mai ila.

**YMA KHAWIH**

- 1) Mizo mipuite inpumkhatna tichhe thei zawnga Mizo hnahtlak hnambil hmalakna reng reng tihtawp a nih theih nan Central YMA-in hma la rawh se.
- 2) Rampum huap faina beihpui thlak turin Central YMA-in hma la rawh se.
- 3) Sorkar atanga Development Work Veng/Khua atana lo kal thin hi, tha leh rotling zawka thawh a nih theih nan YMA-in hma la rawh se.
- 4) Mizorama piang ni lo, Foreigner-te Birth Certificate pek an nih loh nan hma lak ni rawh se.
- 5) Human Trafficking do-na kawnga kan chak zawk theih nan YMA-in hma la rawh se.
- 6) Electoral Roll dik leh fel fai tak kan neih theih nan YMA-in hma la rawh se.

Central Executive Committee-in an bawhzui tur thil.

- 1) Hmar tlangdung HPC'D' Demand Area chhunga YMA Branch thiahte hi a rang thei ang bera YMA Branch din leh turin Central YMA-in hma la rawh se.
- 2) Central YMA-in Pandal ruhrel (Structure) kan neih hi, YMA General Conference dawng zo ngei tura tih len ni rawh se.
- 3) Mizoram hmun hrang hranga hnam dang kutdawn hi YMA ten khap rawh se.
- 4) YMA Sub-Hqrs/Group Boundary te ennawn leh nise.

**B. SAWRKAR KHAWIH :**

- 1) Assam Rifles chhuahsan tur ram hi mimal hnena pe lo tur leh tangkai taka hman a nih theih nana humhalh turin Sawkar ngen ni rawh se.
- 2) Mizoram chhunga Quarry awmte hi mihring tan a hlauhawm loh nan YMA-in a tul angin hma la rawh se.

- 3) Branch YMA tinin mahni area-a motor kawngpui kamah uar zawka Thing phun nise, kawngpui kam mimalin an neih thin hi Sawrkar Dan dinglai anga reserved a nih zel theih nan Sawrkar-ah thlen ni rawh se.
- 4) Tribal Certificate pek chhuah chungchangah YMA te hriatpuina (Recommendation/Verification) a tel theih nan Sawrkar-ah thlen ni rawh se.

Sawrkar khawih Agenda atang hian CEC-in a lo bawhzui tur te.

- 1) Mizoram chhunga pawikhawihna chi hrang hrangte hremna dan hi hei aia na leh khauh zawk a nih theih nan Sawrkar-ah thlen ni rawh se.
- 2) Tlawng Lei (Bairabi kai) ABC-in an dawh mek hi a huntiam chhungin an dawh zo thei ta lova, hemi chungchangah hian Central YMA-in chak zawkin hma la rawh se.
- 3) School Uniform leh Sawrkar Office leh Zirma In hrang hranga puanzar (Parda) atan Mizo kutchhuak puan hmang turin Sawrkar ngen ni rawh se.
- 4) YMA enkawl in leh bungruate Sawrkar atanga sakna emaw, thawmna tur emaw a lo kalin, a thawktu tur thlan kawngah midang kuta awm lovin, a enkawltu YMA-in a thawh ngei theihna turin Sawrkar-ah thlen ni rawh se.

**C. KUMPUNAN CHUNGCHANG :**

Kum 2013 chhunga YMA kumpuan atan henge hi General Conference-ah chhawp chhuah tur a ni.

1. Ram leh Hnam Humhalh
2. Intodelh

Conference rorel turte han thlir hian kan ram leh hnam tana tha tur tak tak vek a ni a, a hlawhtlinna tur tak taka thawktu leh hmala theitu chu Conference palai mai ni lovin nangmah ngei kha i ni e.

**TAITESENA**

☞ Ni 27.9.2012 zing khan lung thiara hnatlan a ni a, a thawk chhuakte chungah lawmthu an sawi.

☞ Ramhlun vengthar leh Ramhlun Sport Complex leimin tuarte tana vehbur an khawn chu Rs 12100 a ni, petute chungah lawmthu an sawi.

☞ Ni 2.10.2012 (Thawhlehi) zing karah hian faina hnatlang beihpui thlak tum a ni a, member a tam thei ang ber thawhchhuah tur a ni.

**VANAPA**

☞ Ni 2.10.2012 (Thawhlehi) zingkar hian section huam chhungah FAINA HNATLANG neih tur a ni a, YMA member leh YMA Chhang member zawng zawngte he hnatlangah hian thawk chhuak vek turin an inngen. Hnatlanna hmanrua mahni neih remchan ang ang thawhchhuahpui nise, zing dar 6:30-ah Leader Pu VL Thakima te kawtah innghakhawm tur.

☞ An Leader Pu VL Thakima chu hritlang khawsik avangin a nuamsam meuh lova, a dam that leh thuai an duhsak hle.

☞ Section chhung mi damlote: Lalchhandami d/o Lalhmingliana, Hmingthansanga (Hmingtea) s/o H. Lalchungnunga (Durtlang Damdawi Inah), Pu Ziaksanga Nu (Durtlang Damdawi Inah), Pi Lalzami m/o Zohmingliana Tlau (Durtlang Damdawi Inah), Pi Lalthanzami w/o C. Laltanpuia, Pi Rosiami m/o H. Lalchungnungi. Heng damlo te hi an damthat leh thuai an duhsak hle.

☞ Pu C. Thanchungnunga leh Pi Zoramthangi w/o RK Ramherliana te phai lama in check up chu tluang takin an rawn haw. Pu Lalremmawiate naute damlo pawh dam takin Greenwood atangin an lo chhuak a, Pu Remsiana (RSA) pawh dam takin Damdawi In atangin an lo chhuak.

☞ Doordarshan-a YMA Zaipawl an record-na hlawh Rs 10,000 chu Leader Pu VL Thakima'n chak taka hma a lakna zarah an hmu fel ta, Leader chungah an lawm hle.

☞ Pu Lianchhuna in bul kawra leivung paih an la awm chu pawh an ti hle a, paih tawh lo turin an hriattir. He hriattirna hi an la zawm lo a nih chuan YMAAW-ah an hming tarlan a ni tawh ang.

☞ Ui enkawl tha lo leh chhuah an la awm chu tha lo an ti hle. Sorkar dan dinglai angin ran vulhtute mahni ranvulh khuahkhirh turin an hriattir

**CHAWNGBAWLA**

☞ Ramhlun vengthar leh Ramhlun Sport Complex a chhiat tawkte tana tanpuina chu Section chhung in tinah khawn a ni a, chungkua 202 in Rs 14640 an thawh thei a, hetiang hi bial hrang hranga a luh dan a ni:-

Bial 1na - Rs 1400

Bial 2na - Rs 2250

Bial 3na - Rs 1620

Bial 4na - Rs 1450

Bial 5na - Rs 1100

Bial 6na - Rs 1550

Bial 7na - Rs 2300

Bial 8na - Rs 1630

Bial 9na - Rs 1340

Bial 7na hian an hmu tha ber a ni, a thawhtute chungah lawmthu an sawi.

☞ Tunkar Thawhlehi hian Section chhungah Sangha an zuar dawn a, zawrh tum hmasak thulh tak a mi tlawmngaithe kharin leh mai tur a ni e. a man hi 1 Kg Rs 170 a ni ang.

**NEUVA**

☞ Asst. Leader Pu Lalthanruma chu hna avangin Lunglei ah a zin mek, Dam taka arawn haw leh thuai an beisei.

☞ An hruaitu Ricky Lallawmkima chuan kawppui tha tak a nei thar a, nupa hlim tak an nih a, fanau neia mal sawmna dawng turin duhsakna an hlan.

☞ Ramhlun veng leimin tuarte tana vehbur an khawn petu te zawng zawng chungah lawmthu an sawi.

☞ Committee member Pu K. Lalchullova fanu Ni Ruthi Lalnunsangi chu Nazareth Hospital ah a awm mek a, dam taka a rawn chhuah leh thuai an beisei.

**KHUANGCHERA**

☞ YMARUN Extension neih tum a ni a, Hnatlang turin Memberte lo in kau tur a beisei kan ni.

☞ MUP Chanmari West Unit ten Upa te ni Dt 1/10/12 a an hman turah thingpui lumsak an ngaih dawn avang in member zawng zawng te thawkchhuak theuh turin an ngen.

☞ Member Pathiana siamtharna chang zawng zawng te kan lawmpui a, YMA activity hrang hrang ah inthlahrung lova mahni anih anga rawn tel chhunzawm turin kan lo beisei theuh e.

☞ Ni 2/10/2012 (Tuesday) Faina Ni hian zingkar hnatlang neih tum a ni a, YMA Member leh YMA chhangte hnatlanga thawkchhuak vek turin an in hriattir.

☞ Bungraw nawrna tur Tawlailir thar thatak an nei thar.

**PEM LUT**

Heng mite hi veng dang atangin kan vengah an rawn pem.

1. Pu Lalrinawma-te chungkua Chanmari atangin Pu Lalduhawma 'T' Section-te Inah.

2. Pi Chalveli-te chungkua Champhai Venglai atangin Pu Lalduhawma 'T' Section-te Inah.

3. Pu V.Thangnguri-te chungkua Zohnuai atangin Pu Malsawma 'K' Section-te Inah.

4. B.Lalnunmawia-te unau Hliappui atangin Pu F.Lalroa 'K' Section-te Inah.

5. PC Lalropuia Thingsulthliah Hospital Area atangin Pu F.Lalroa 'K' Section-te Inah.

**LAWMTHUSAWINA**

Ni 25.9.2012 (Thawhlehi) a boral ka thian nu Vanlalhruii boral chungchangah Chanmari West Br. YMA leh khawtlang mipui ten min bawhsawmna, min tuamhlawm avang te, Br. YMA in kuang mawi tak min siam sak te, min khawngaih a min raltu leh puan a min tuamtute leh YMA member zawng zawngte leh khawtlang mipui chungah lawmthu kan sawi tak zet a ni.

Inkhawngaihna dawngtu

R Lalhuaplina (Ramfangzauva U)

Chhawrtui

**BADMINTON NEWS**

☞ Ni 26-29.9.2012 chungah a Aizawl North Zone Batminton Tournament khelh zawh takah hetiang hian chhuah ve a ni.

☞ Club memberte thawhkhawm in Indoorah Light 24 vuch belh a ni.

☞ Ni 7.10.2012 atang a Kanan Veng in Tournament an siam turah memberte tel vek turin an in ngen a, tel duhte'n Pu R Lalrammawia hnenah ngaihven theih a ni.

**Thlanmual****Sub-Committee**

☞ Ni 29.9.2012 (Inrinni) nileng khan kuang duan hnatlang neih a ni a, member kal an tha hle.

☞ Vengchungah chhiattaw an awm chuan, Kuang hi YMA Zawlbuk a mi lak mai theih a ni a, Kuang chungah hian Kuang tuamna dah nghal vek bawh a ni.

**TANPUINA DAWNG LEH**

Lung lumin kan vengchungah In a tihchhiate tanpuina tur Pi Zothansangi Sailo te chungin Rs 500/-an rawn thawh.

**Central YMA**

✂ Ni 21.9.2012 khan CEC meeting a ni.

✂ Electoral Roll fel fai leh tha tak kan neih theih nan Sub-Hqrs. tina Tuihna Humhalh Beihpui hawnnaah Electoral Roll chungchang hi sawi lan ni se, Chief Minister/Home Minister sawipui nise, AERO te kohkawmin Electoral Roll dik kan neih theih nan hmalak dan tur sawiho pui ni se, Electoral Roll Hearing kan neih thinah YMA aiawhte mi pakhat aia tam tel zel tawh nise, veng/khaw tina YMA ten Electoral Roll-a lut tur complaint an neih ang ante Central YMA-ah report pe thin se an ti.

✂ LPG harsatna leh tihchingpen chungchangah FCS&CA te nen Memorandum of Understanding kan lo sign tawh angin Gas tihchingpen a reh theih nan Central YMA-in hma lain check thin tum a ni.

✂ Presbyterian Kohhranin Phunchawng leh Rangvamual-a zu var tam lutuk tihrem an tumna kawnga an hmalaknaah phungbawma an sawm chuan puih ngei tha an ti.

✂ Ni 21.9.2012 tlai dar 2:00 khan Lawmthanga Kum 35 S/o Lallawmzuala, Zokhawthar (L) leh Lalbiakmuana Kum 30 S/o Vailianchawna Zokhawthar (R) inti te hnen atangin CADS Duty ten No. 4 (Heroin) Hawng 1, Rs. 70,000/- hu an man a, Excise hnenah hlan an ni.

✂ Ni 25.9.2012 khan Sub-Hqrs. YMA, Serchhip (New Serchhip YMA Hall)-ah Tuihna Humhalh Beihpui hawnna neih a ni a, Sub-Hqrs. YMA Serchhip hnuai Group leh Branch YMA aiawhte an tel a, Central YMA atangin Pu R. Lalngeta, Treasurer, Pu Laldawngliana CEC, Pu Lalrinmawia Sohnel CEC leh Dr. Lalnuntluanga ten an hmanpui.

✂ Ni 25.9.2012 khan D-3 Inter Branch YMA Volleyball Tournament 2012 chu Govt. Mizo School Field, Zarkawtah a hawn a ni a, Pu J. Lalsailova, Fin. Secretary-in a hawng.

✂ Ni 27.9.2012 khan Mizoram Rural Bank (MRB) chuan Central YMA hnenah Ruang phurhna motor (Morgue Van) an pe.

✂ Ni 28.9.2012 hian Sub-Hqrs. YMA, Kolasib-ah Tuihna Humhalh Beihpui hawnna programme hman a ni a, Central YMA atangin Pu Vanlalruata, Gen. Secretary, Pu Lalhmangaiha CEC, Pu Lalrinmawia Sohnel CEC, Pu Vanlalmuana Pautu CEC leh Pu Lalnuntluanga CEC ten an hmanpui.

**ZOFA**

✂ Ni 29.9.2012 (Inrinni) a Ral Lu Lam Documentary Film shooting neih an tum chu ruatui ala tlak tam rih em avangin Ni 6.10.2012 (Inrinni) atan an sawn a, Ni 3.10.2012 (Nilai) zan inkhawm ban hian he shooting-a tel turte chu Pu Zonunsanga (Patea) te inah rehearsal neih tur a ni e.

✂ An Vice President Pu VL Thakima chu hritlang awmna avangin pawn a chhuak peih meuh lova, a dam that leh thuai an duhsak hle.

✂ Ni 28.9.2012 (Zirtawp) zan khan President inah Executive Committee an thukhawm a, thu pawimawh tak tak an rel.

✂ An hruaitu Tv Zohmingliana Tlau chu a nu Pi Lazami Durtlang Damdawi In lama a awmpui avangin a buai hle, dam taka an lo chhuah leh ngei an duhsak.

**CWYMA VOLLEYBALL REPORT**

✂ CYMA Volleyball tournament khelh mek ah ni 27/9/12 tlai khan Electric veng YMA Team te nen inhmachhawn ani a, 3-2 in kan hnehlo hlauh mai a, Veng mipuite in beisei ang kan phakloh avangin paw kan ti em em a ni.

✂ CYMA Volleyball tournament buatsaihna atan Branch YMA in theihtawp min chhuahpuiin playerte pheikhawk tha tak mai min leisak vangin thinlung takin lawmthu kan sawi a, Practise nan Indoor Stadium min hmantirtu Indoor Stadium managing board chungah lawmthu kan sawi mawlh mawlh a ni.

✂ Players te inpekna hrang hrang ah thinlung takin lawmthu kan sawi a. Hmasawn leh zual tur in mahni in vawng thianghlim a in thunun leh zual turin kan ngen baw a ni.

✂ Tournamenta hak tur Jersey mawi tak mai Dr Lalremsiama te chungkua CH Section ten an pa C. Lalramdina hriatreng nan min leisak avangin an chungkaw chungah lawmthu thinlung takin an sawi mawlh mawlh a ni.

✂ Jersey te hi sukfai vek hnuah Volleyball Team Convener Pu C. Lalmuankima hnenah thehluk tur a ni.

**3rd DIVISION****PLAYER HRIATTIRNA**

Ni 1.10.2012 (Thawhtan) zing dar 6:30 hian 3rd Division Player te High School field-ah practise tura kalkhawm vek tur a ni e. Tournament a hnaih deuh avangin player-ten practise ngaih pawimawh tur a ni.

**SMS**

**SMS thawna tur : 9862358337.**

✂ Veng thenawmte'n thla khat chhunga Gas vawi thum (3) te an sem theih laia thingtuah tur zawnga ramhnuai lama chhuah ngai reng mai hi ava khamawm tawh tak em! veng hruaitute khan tan han la deuh teh u.

9774721768

✂ Gas sem chungchanga veng thenawmte phak loh bik reng mai hi rualawh a nain ava han hrehawm tak em! Hruaitu chak leh inpezo tak akn veng hian kan va han mamawh tak em!

9436362521

✂ Veng thenawmte'n thla khat chhunga Gas vawi thum (3) te an sem theih laiin kan vengah chuan thla hnih (2) te nghah a ngai a, kan khawtlang hruaitute hian Gas hi an harsa ve lo nge, a ngaihna an hre lo zawk? Kan hruaitute hi mipui tan han inpe thar leh deuh se kan va ti tak em!

9774374916

✂ Veng chhunga chhiat taw (mitthi) kan awm changa, Branch YMA-in mitthi vuina tura Bus a hman dan hi rualkhai deuh zawka siam nise ava tha dawn em!

8794069246

**SMS kan dawnte hi Editorial**

**Board ngaihdan a ni vek kher lo.**

**HRIATTIRNA LEH NGENNA**

Tunkar Ni 2.10.2012 (Thawhle) zingkarah hian Section chhungah 'Faina Hnatlang' neih tur a ni a, YMA member tawh phawt chu he hnatlangah hian thawkchhuak vek tura ngen kan ni e. Zing Dar 6:00 ah CV Library kawtah inngahkhawm tur a ni.

**Secretary**

**Taitesena Section, CWBYMA**

OCTOBER SPECIAL!

SAITIKA, KAWNG NA, THA NA, INGHAWNG NA, DAR NA, KHUP NA, ITI HRAWL NA, PANGKHING ZENG, IHMAI SAWI, NERVE THA LO leh a! kaihhnawih natna chi hrang hrang, l khawl tha tak tak hmangin kan enkawl | thei e. Hetiang harsatna i nei a nih | chuan min rawn pan la, | Physiotherapist thiam tak, National | Institute atanga degree zir chhuakin a | lo enkawl ang che. 31<sup>st</sup> October 2012 | thleng a MAN CHANVE (50% | DISCOUNT) in kan enkawl thei e. | Timing : zing: 6:30 am - 9:00 am. | Tlai : 2:00 pm - 5:30 pm. | (Monday - Saturday)

AIZAWL PHYSIOTHERAPY CLINIC  
Pu Rinsanga IAS (Rtd.) Building  
Chanmari Kawm, Glenary's bul  
Ph : 0389-2347456 / 9856907725

(1-3)